

O D L U K A
O PRIHVATANJU ZADUŽENJA PO SPORAZUMU O ZAJMU
IZMEĐU BOSNE I HERCEGOVINE I SAUDIJSKOG FONDA ZA
RAZVOJ ZA REALIZACIJU PROJEKTA GLAVNE GRADSKE
MAGISTRALNE U ZENICI

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, br. 86/07, 24/09 i 44/10), Parlament Federacije Bosne i Hercegovine, na sjednici Predstavničkog doma održanoj 13. 7. 2011. godine i na sjednici Doma naroda održanoj 28. 7. 2011. godine, donio je

O D L U K U
O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I SAUDIJSKOG FONDA ZA RAZVOJ ZA REALIZACIJU PROJEKTA GLAVNE GRADSKE MAGISTRALNE U ZENICI

I

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o zajmu između Bosne i Hercegovine i Saudijskog fonda za razvoj, u iznosu od 93.750.000,00 SAR (SR – saudijski rijal), što je ekvivalent 25.000.000,00 USD za realizaciju Projekta glavne gradske magistrale u Zenici.

II

Sredstva zajma iz tačke I ove Odluke koristit će se za finansiranje Projekta glavne gradske magistrale u Zenici. Primarni cilj Projekta je da se osigura pouzdano dugoročno odvijanje saobraćaja u užem gradskom i prigradskom dijelu grada Zenice sa adekvatnom saobraćajnom vezom sa autocestom na Koridoru Vc.

III

Sredstva zajma iz tačke I ove Odluke, odobravaju se Federaciji pod sljedećim uslovima:

- rok otplate..... 25 godina
- grace period..... 5 godina
- kamatna stopa..... 2% godišnje
- dospjeća..... polugodišnje, u jednakim otplatama glavnice
- datumi plaćanja glavnice i kamata:..... 15.februar i 15. august svake godine
- iz kreditnih sredstava ne mogu se plaćati carine, porezi i druge dažbine

IV

Potvrđuje se da je razmatrana dokumentacija prihvatljiva za Federaciju, a posebno:

- Zapisnik sa pregovora,
- Nacrt Sporazuma o zajmu između Bosne i Hercegovine i Saudijskog fonda za razvoj za Projekat glavne gradske magistrale u Zenici.

V

Sredstva zajma iz tačke I ove Odluke Federacija će na kreditnom osnovu prenijeti na Općinu Zenica, koja je krajnji korisnik i dužnik po zajmu.

U periodu implementacije Projekta, u Budžetu Federacije nije potrebno osigurati finansijska sredstva za dodatno sufinansiranje Projekta.

VI

Zadužuje se Federalno ministarstvo finansija da sa Općinom Zenica usaglasi i sklopi odgovarajući Podugovor o zajmu kojim će, u svrhu redovne otplate, definisati uslove vraćanja sredstava koja se prenose na kreditnom osnovu.

VII

Daje se saglasnost za zaključivanje Supsidijarnog sporazuma o zajmu između Bosne i Hercegovine i Federacije i Podugovora o zajmu između Federacije i Općine Zenica za sredstva zajma iz tačke I ove Odluke.

Za potpisivanje Supsidijarnog sporazuma i odgovarajućeg Podugovora o zajmu ovlašćuje se federalni ministar finansija.

VIII

Za realizaciju ove Odluke i izvještavanje zadužuju se Federalno ministarstvo finansija i Općina Zenica, svako u okviru svoje nadležnosti.

IX

Implementacija Sporazuma iz tačke I ove Odluke ne zahtijeva donošenje novih ili izmjenu postojećih zakona.

X

Ova Odluka stupa na snagu narednog dana od dana objavljivanja u „Službenim novinama Federacije BiH“.

**PREDSJEDAVAJUĆA
DOMA NARODA
PARLAMENTA FEDERACIJE BiH**

Karolina Pavlović

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH**

Dr. Denis Zvizdić